

Tshitshisselitenau a...

Ushkatsh pishimue tshishtuakanit Tshishe-pishumu 2020 ekun katapuetakanits tipelitamun C 92. Tipelitamun ka-tshishpeuatakanitau ilnuassatsh, Inuit, mashastikushatsh kie utshiluemakanuau . Kanata assihtsh takuan tshe ish nashekanits tshishpeuaushun kie mahk ne tipelitamun C 92 kassinu ilnuatsh tshe tutakuau tshetshi milellimutau utauassimuuu.

Tipelitamun C 92 eish mashinatets, tshisselitamun Pekuakamiulnuatsh e mishta pukutatau tshi tutakuau Ilnu-tipelitamun, tshishpeuaushun auassatsh kie utshiluemakanuau tshishpeuaushun kie tshetshi shuk alu uitishiuet ilnutipelitamun tshishpeuaushun

Nene upahu pishimu 2023 ekun ka-tshatshapalinanuatshe e atusseshtakanitsh ilnutipelitamun tshishpeuaushun auassatsh tshe ish tshishpeuatakanitau. Pekuakamiulnuatsh atusseshtamuatsh.

Nitshenitsh Pekuakamiulnuatsh kananitu tshisselimatau ilnu ish atusseuatsh tshetshi uitakuau tan ka inanuatshe tshe ashu miluetau. Tshika mileuatsh Pekuakamiulnuatsh ka-atusseshtakuau ilnu-tipelitamun tshishpeuaushun. Marjolaine Buckell, Shawn Dominique, Stéphanie Dominique, Anna Langlais, Lynda Murray, Aika Raphaël mahk Marlène Siméon ekun nitshenitsh ka-nanitu tshisselimatau ilnuatsh , ka-nitishkuatau pekuakamiulnuatsh.

Pekuakamiulnuatsh eish mashinashiehk apitin tshi taiehk e tutakanits ilnu-tipelitamun tshishpeuaushun. Nanatshe ihtsh tshika ish atusseshtakanu ilnu tipelitamun tshishpeuaushun. Apitatelitakun tshi pishtenamehk tshitaimunuau, tshi taiehk eitinanuatsh tshetshi ueshtakanitsh ilnu tipelitamun tshishpeuaushun. Uss tipelitamun, ilnu tipelitamun tshishpeuaushun. Nanakatshishtak.

Tipelitamun C 92 eish mashinatets ,utam tshi tshisselitakanits kie tshi shutshapalilatsh ilnuatsh utipelitamunuau e ui tipelimitishitau, ekut nte e katshatshapalits, ashu shiteu auassatsh kie utshiluemakanuau tshe tshishpeuatakanitau.

Tipelitamun C 92 eish mashinatets milakanuatsh Pekuakamiulnuatsh tshetshi tutakuau Utilnu Tipelitamunuau e ui tshishpeuatatau ilnuassatsh

Atusseuatsh ilnuatsh, nishen eish mamuhitunanuatshe tshetshi tutakanits uss ilnu tipelitamun tshishpeuaushun, teuatsh ilnuatsh e nanitu tshisselitamatau utilnimuuu kie mahk uiluuu pashtinimuatsh utaimunuau , teuatsh kie ilnuatsh e atusseshtakuau ilnu-tipelitamun tshishpeuaushun. Kutulnu ashu neu itashuatsh Pekuakamiulnuatsh, mamu atusseuatsh kie ishpatelimituatsh.

Ek utshenitsh : Stacy Bossum, Bibiane Courtois, Carina Dominique, Jonathan Germain, Véronique Larouche, Marie-Ève Robertson mahk Christine Tremblay; uiluuu nanakatshishtauatsh atusseun ilnu-tipelitamun tshishpeuaushun, tshe tapuetakau katakuhimatshetau

Uss tipelitamun, ilnu-tipelitamun tshishpeuaushun takuan tshi uishamakuiehk, tshi mashinatihutishiehk e tapuetamehk makie e anuelitamehk ne ilnu-tipelitamun tshishpeuaushun auassatsh tshe ui tshishpeuatakanitau, utshiluemakanuau kie eshk eka tapuetakuau katakuhimatshetau.



Tshittshisselitenau a...

At peikun etshi tapuetakanit Tshishe Utsimau Utaua tipelitamun, mashteuiatsh eshk iapitsh tshika nashamuatsh upishtikuiiau tshishe-utshimau tipelitamun : *auassatsh, utshiluemakanuau, inuit, mashastakushuatsh.*

Utshiluemakanuau auassatsh teuatsh nite tshishpeuaushun tipelitamun.

Upishtikuiiau tshishe-utshimau tipelitamun tshishpeuaushun eukuan ne nashekanitsh luash tshe eishpish tutakau pekuakamiulnuatsh ilnu tipelitamun tshishpeuaushun ute Mashteuiatsh.

Kaitishiuuet tshi uilakanu nite tshishpeuaushun tipelitamun tshetshi tshishtin nashekanilitsh auassatsh utipelitamunuau nitshenatsh auassatsh utenahtsh ka apitau.

Miam ka itashtets nite tipelitamun c 92 aimun 14 (1) nitshenitsh ka-atussehtakuau mililniun kie milelimun ihlem tshi uluitshishinimuatsh uaitishiueun uanisse tshi takapitshenitsheuihk, (peikutenu mitshuap, ka nenekatelitakau, ka tshishkueielitak (kutaka auen kie itakushit) kassinu auen tshipatshi uitishikuatsh.

Shash neu pipun ishpish takuatsh mamuhitun eishinikashitau uashkapitau. upishtikuiiau tshishe utshimau tipelitamun miam peikun tipelitamun c 92 nashekanu e itashtets, nashekanu tshetshi atshunikanits mamishtshemun. Shash neu pipuna ne uashkapitau kassinu ilnuassatsh milakanuatsh tshi apishtatau, auass eshk eka ilniut luash kutulnu ashu nishuash ka-itatpuneshit.

Ka nikanipit eish tipelimakaitau auassatsh takunilu tshi nashihk e itashtets tshishe utshimau upishtikuiiau tipelitamun eish naushunakanitau kakunuelimatau auassatsh. nishtatun takun eukun ne ish nituelitamuakanitau kakunuelimatau auassatsh tshi nashikuau.

Tshipatsh nituelitenau eish utenikanit tshekuan eka miluelitamihikuiehk, mamishtshemun kie eka tapuetamehk tshekuan, tshiluau makie tshitauassimuau

Tshipatshi nituelitenau tshetshi tat auen tshi uitsheushk, tshil tshika tshisseliten auen tshe uitsheushk e natsh nitshikut ka-atusseshtashk . Ne tshe naushunit auen, nituelitakanu :

- Tshetshi natutak, tshil muhk tshi aimin
- Tshetshi mil aiteit e nitishkatunuatsh
- Tshetshi nashpits kunuelitahk ka-inanuatsh

Ne kupaniesh tshipatshi anuelitam tshetshi uitsheukuin eka mil-tutak ne ka uitsheushk.

